



PRINCIPAL AKIPAN

Grace Bible College deihsakte leh hong thumpihthe: Toupa Jesu min in navekun chibai.

Toupa'n hun hoihtak hong piaa, Grace Bible College in February 7, 2011 in Spring Semester 2011 pankhin hi. Grace Bible College in M.Div. final year studentte Greek Intensive class January 2011 kha sung neihpih hi.

Tu'n admission that kibawkhina, naupang avekun 19 kinei hi. Amaute a luite tawh gawmin, tukum in GBC in naupang sinlai 97 nei hi. Hiai naupangte'n February 7, 2011 in class panta uhi.

Tukum 2011 Spring Semester akipan GBC in hiai anuaiaa bangin teaching staff nei hi.

1. Fulltime Teaching Staff:

1. Rev Dr Kamkhanthang, *Principal*
2. Rev Dr V Ginsianthang, *Vice Principal*
3. Rev Dr B. Luaichinthang, *Senior Lecturer, Partnership Facilitator*
4. Rev V Khamvum, *Senior Lecturer, Chaplain*
5. Mr. T. Damkthoang, *Junior Lecturer, Hostel Warden*
6. Mr. H. Pauthianmuang, *Junior Lecturer, Registrar*
7. Miss Grace Ngaihvuong, *Lecturer, Co-ordinator, MTC*
8. Rev H. Ginkhochin, *Librarian*

2. Parttime Lecturers:

1. Mr. Gideon Meitei
2. Mr. Lalchungnung
3. Mr. Suresh Singh
4. Dr G. Suankhanhau
5. Mr. Dina Chandra

Tukum 2011 akipan GBC in academic hoihtaka puahsawmin, Syllabus kichiantak bawlkhiain zangta hi. Tuabanah Nipi khawl hun sungin, kha khat sung pumpi Greek leh Hebrew intensive class pat sawm hi. Hiai in academic, laisiannalam hong masawnsak ding hi.

Huaiziakin GBC in pan naktaka lak a sawmlai in, nang panpih theihna banglam nana nei hiam, unau? GBC in nang hong kul hi.

Khirsta Na seppih uh,

-Kamkhanthang, *Principal, GBC*

Class kipanta: Seppatni, February 7 apan, 2011 Spring Semester Class kipanta. Sintute leh sinsakute thumsak poimoh lua uhi. Tuate banah office a semtute thumpih kul mahmah uhi.

Hong veh: February 22 in Tearfund akipan Prince David in GBC vehna hong in Feb. 23, 2011 in kikon hi.

Hong hoh ding uh: Hongtung ding May kha chiang in ATA ten GBC vehna hong nei non ding uhi.

Khualzin: February 11-14, 2011 sung Vice Principal Rev. Dr. V.Ginsianthang in a nulepa theih gigena suangphuh hong kawmin Grace Bible College toh kisai thugenna hun zangin Suangdoh khua vapha hi.

Theihuaik: Hiai semester thak ah student a veka gawmin 96 pha hi.

PERSONAL TESTIMONY

Ka min Heema Gautam Manju ahi. Nepal gammi tuh ka hi ua, himah leh kum 30 vel paita in Manipur ah ka hong pem uhi. Tulel in Imphal a National Games Village Zone III ah ka om lelleh uhi.



Ka Inkuan: Pathian hehpihna ziakin ka nu leh ka pan ahon dampih lai uh. Sanggam pasal 7 kanei a, kou unau a numei kei kia ka hi. Ka pa Hindu siampu mite zah leh tung-et mahmah leh minthang mahmah ahi a, ka sanggam pasal 3 thum in leng Delhi khopi sung mun tuamtuum ah siampuna asem uhi.

Kou unau a numei omsun ka hihmanin ka inkuanten ahon duat mahmah ua, kadeih peuhmah hon pia uh ahihmanin, leitung nopsaknate ah nuamtak in ka kibual hi. Ka pa siampu ahihmanin, ken leng ka pa hih bangbang milimbiak, tempul tuamtuum veh kual, anngawl chihte kahih zelsam hi. Hiai thilte kipezou tak leh lunglut petmah in ka hiha, himahleh khelkheh kiphawkna leh tangtawn hinna chihte himhim kaphawk kha het kei hi. Damsunga I poimoh pen sum himai, hausa le hang nuamsa a lungkim mai ding in ka kingaihsun hi. Huchih lai mahin, lungsim sungah kingaihtuah buai takin leh om kinken theilou in ka om hi. Khamuanna himhim ka nei kei hi. Himahleh Kum 2007 kum bullamin Rebecca kichi ka lawm Nepali nungak khat toh ka kimu kha uhi. Hun hongpai zelin kaki ngaina deuhdeuh ua, huchiin aman Pathian itna, Jesu Khrist sisan ziaka angaihdamna thute hon genpih in, a Biakin kaina a vazui dingin ahon zawn hi. Hun sawttak ka nan nungin, khatvei ka nulepa theih hetlough dingin ka vazuita hi. Huchiin, ama kum 20 sunga ka theihkhak hetlough lungnopna leh khamuanna thupi leh lamdang petmah ka hon ngahthei mawk hi. Huai ni akipan thutak ka zonga, ka nulepa leh tanauten nakpitak in hontai mahle uh Biakin ka kaikai tamai hi. Hun hongpai zelin ka Biakin kai immang zoh vual ahi nawn keia, ka nulepan nakpitaka hon taiin, kamsiapipi in ahon kou zialzial tamai uhi. Himahleh, tawp tuanlou in, Nov. 17, 2007 in Jesu kei mah mimal hondampa leh Toupa in ka sangta hi. Huai apan ka inkuanten ahon gawt nasa semsem ua, in sungmi in leng ahon sim nawn kei ua, ahon itna tengtung uh huatna hong suakta hi. Huchiin ka hinkhua pumpi, a nuam leh haksa ah, sihna dong hongtung ding hitaleh zong, Toupa jui ding, amah nasem dingin in kaki lankhia hi. A ginom mahmah Toupan chikmah in hon nusialou, hon gamlat ngeilou hi. Huchiin, Pathian na ka sep theihna dinga a Laisiangthou sin-ut ka hihmanin Pathianin ahon huhtu ding ahon piak nadingin ka ngen hi. Huchiin, lamdangtakin Pathian in katheih ngeilouh Rev. Kampu Haokip ka in uah ahon sawla, aman GBC ahon kawkmuh hi. Huchiin aman July 28, 2008 in ahon Baptist a, July 31st, 2008 in GBC ah ka honglut hi. Huai hunin ka sanggam pasalten Delhi lama hon paipih sawm uh ahi chih katheih manin, laikhat gelh in, ka lukham nuai nusia in, ka-itluat ka nu, ka pa, ka sanggamte leh ka itluat tampite nusia in ka hong taikhia hi. Huchiin GBC ah ka hong kai hi. Huai tuh kei adinga thil haksa pen ahi. Ka pa hehlua, dahlua petmah ahihmanin, sihsawmin gu a dawna, damdawiin a puaklutin a om a, ka nun leng sithei ding khopin a chinatloh hi. GBC a ka om nungin ka sanggamte pasal 2 ahong pai ua, ka sahkhoh lui ua hon lutsak nawn hamtang a hong sawm uhi. Ka utlough bilbel chiangin, "ahihleh kizopna neinawn hetlou ihi, nang tuh kou a dingin a sikhinta himai na hi" ahon chi uhi. Ka pa damdawiin apan dama ahong pawtkhiak nungin ka nu toh akikhen ua, tun ka pa amah kia in Nepal ah kum 3 val a omta hi. Kei Khristian ka hong suah pen ka nun theikha ngeingei ding, a guka lemsakna nei hi ngeingei dingin ka pan ka nu muang moh hi. Huchi lah ahi kei hial hi. Tu in tuh, college khawl hiam, ka zilna zou hiam in om lengleng zotna ding neilou ka hita. Kum 2008 December 28 in ka in ua midang kuamah om hetlouna ahi, ann hong ne in chiin ka nun hon chial hi. Ka Lawmnu Lulun toh ka va hoh ua, zekai lota giak maiin ahon chi a giak dingin ka lumta hi. Ka sanggam pasal a lina in ka giahlam thei kha ahi dinga, hong that dingin ahong kuan hi. Kei leng azan azan in ka hong taikhia hi.

Himahleh, Jesu nung kazuih ka kisik himhim kei. Ittu neilou leh thawmhau ka kisak semsem chiangin ahon itu ding a hong kibehlap a bang hi. Ka in uh kongkhak khat kei a dingin kikhak mahleh, Toupan keia dingin kongkhak asang asim ahon honsak ahi zaw hi. Dalna leh gimthuknate I thuk semsem chiangin Pathian itna, hoihna leh ginomna a thupidan I phawkbek semsem ahi zaw. Sam 34:8 leh Matt.19:29 te ka tungah ahong dik semsem hi. "Sanggamte aw, hon thumsak un".

Editorial



Thumna dawngtu Pathian venna zia khia 3 phial khawl nungin, heutate leh sintute kimtak thamlouin, a thak bangzah hiam toh tu in kumthak 2011 semester thak ah I ding thei nawnta ua, kipahhuai I sa petmah hi. Hiai hunthak ah, Principal thak, Rev. Dr. Kamkhanthang Mangte, Sinsaktu thak Rev. V. Khamvum leh Dr. Suankhanhau in ahon behlap ua, kipahhuai isa petmah hi. Thamlouin, February 5, a Board of Governors tukhawm in Rev. Dr. V. Ginsianthang, Vice Principal dingin guang a, aman Academic Dean hihna toh, Home Based Care a Chairman hihna toh thuah ding hiin kiza hi. Kipahpih hang. Tuat banah, hiai khawlsungin heutate leh sintuten thiltuah thak (experience) tuamtuan nei ua, kipak mahmah chiat ua theih ahi. Heututen, Camp tuamtuan a thugen, Khristmas leh Kumthak a thugenna nei in, tha -it takin kizang chiat uhi. Tua thamlouin, January 11 in Principal tapa Liansuanmung in zi neia, Huan January 21 in Head Clerk Upa K. Ngilzakhup tapa Paukhanhau Khuptong in leng zinei a, a zi leng Dorcas Hall a Clerk, Elyn Chingkhaniang ahi. Tuat banah January 27 in Rev. Dr. Luaichinthang in a tanu khakna nei a, atanu Florence Niangsonkim in January 28 in pasal nei hi. A Pasal Upa H. Chalau tapa Pausianmung ahi. Tuat banah, Home based care a Counsellor thak liklek Heutupa Thangzasiang leng Lalthangmoi toh February 4 in kiteng uhi. GBC a student Mr. V. Pauthianmuan in leng zi nei chih kiza a, ikipahpih mahmah hi. Thamlouin, sawtpi apan I ngaklah mahmah uh, GBC Campus sunga pai vialna lampi kumpiten Black topping hon bawlsak ua, kipahhuai kisa petmah hi. Hiai thil kipahhuait lakah akipahhuai lou lam leng hong om kha hi. January 17, 2011 in Head Clerk Upa K. Ngilzakhup nu in honsihsan a, I thukpih in I dahpih hi. Himahleh, Toupa a hinna thak tang dinga leitung taksa hatlou nusia hilel ahihdan i theih chiangan I thuk nuam tuam mahmah hi. Pathian apan Khamuanna a tan ngei uh i deihbaka, i thumna ahi. Computer Operator Heutupa Chinsuanlal inteknu damlou sawtkuamtak damdoi inn a akikep nung un tun hoihlam manoh ta, kipahthu gen ni, hong damsiang tak tak theih na ding in thum lai ni.

Hiai kumthak semester thak ah kikhen lamdanna tuamtuan a om hi. Heutupa Damkothang in Warden mohpuakna len a, Miss Grace Ngaihvungin MTC Co-ordinator mohpuakna len hi. Heutupa Pauthianmuang in Registrar dinmun len hi. Rev. V. Khamvum in Chaplain mohpuakna len hi, Devotion Biakin a leh Heutate a program aman bawl hi. Hiai semester a thaka dinmun leh mohpuakna tuamtuan anuaia bang ahi.

Sln.	NAME & ASSIGNMENT/PORTFOLIO	DESCRIPTIONS OF ASSIGNMENT/WORK
1.	Rev. Dr. Kamkhanthang <i>Principal</i>	Overall Supervisor and in-charge of items not mentioned here.
2.	Rev. Dr. Luaichinthang <i>Partnership Facilitator</i>	Liaison officer, GBC Link and GBC Alumni
3.	Rev. Dr. V. Ginsianthang, <i>Vice Principal & Dean of Academics</i>	Curriculum/Syllabus, Subject allotment and Certificates.
4.	Rev. V. Khamvum, Chaplain	Chapel service & Devotions.
5.	T. Damkothang <i>Dean of Students and Hostel Warden</i>	Discipline, Hostel Mess, Campus Development & Extra-curricular activities.
6.	H. Pauthianmuang <i>Asst. Academic Dean cum Registrar</i>	Admission, Routine, Exams, Attendance - in consultation with Dean of Academics.
7.	Grace Ngaihvung <i>Coordinator MTC</i>	Curriculum/materials of MTC and Supervision of MTC.
8.	Rev. H. Ginkhochin, <i>Librarian</i>	Management, development and Safety of Library.
9.	Upa K. Ngilzakhup, Head Clerk	Files & accounts
10.	Mrs. Manniang, Office Assistant.	Assist Dean of Academics
11.	Upa H. Tualdouthang, Office Assistant.	Xerox, Correspondence, Property Records & Assist Coordinator of MTC.
12.	V. Thanggoumang, <i>Library Assistant and Assistant of Warden</i>	Library, Guest House, electricity, Study hours and security of GBC Campus.
13.	Chinsuanlal, <i>Computerist</i>	Printing and management of Computers, Printers/Xerox Machines etc.
14.	Upa T. Ginzathang, <i>Grade IV</i>	Gate/doors, floor cleaning & postal services.
15.	Mrs. Ningkhanching	Refreshment, call-bell & furniture cleaning.
16.	Paukhanmang, <i>Driver</i>	Will also assist in the Library.
17.	T. Chinkhanlian, <i>Cook</i>	Will also assist V. Thanggoumang whenever necessary.

GRACE BIBLE COLLEGE TANCHIN TOMKIM

A kipat kum: July 4, 1981 ATA a Affiliation a ngah kum : 1992
English medium a convert kum: 1993
Tuni tan in a nuaia bangin Graduate omta hi:
1) MTC: 157 2) B.Th: 271 3) M.Div: 209

Hichibang tan i tun theihna hi amasapen in Pathian honpina ahi. Tuat banah, semtute kipiakhah leh naktaka akisuk zia uh hiin a muhtheih a, huan, deihskute, thumsakute leh thilpiaka phungvuhute zia ahi. Aban leng hongom touzel ding ahihmanin, tunitana thilpiak i piakkhawmdan uh anuaia bang ahi:

1. Rs.500/- pia mimal Patron Member omzah : 1049
2. Rs. 1000/- pia a pawl min a Patron omzah : 92
3. Rs. 400/- Memorial Gift pezah : 254
4. Rs. 300/- pia Life Patron member omzah : 475
5. Rs. 5000/- leh atunglam pia mimal Special Patron member omzah: 33

Mimal leh tualsung saptuamte tuasangan nakpan zosem leh ang Grace Bible College in nakpitaka masawn zotham lai ding ahi. Thumna, thilpiak leh I pantheihna omte ah kidamlouhialin pang chiatni.

GBC FIELD TRIP

Miss Grace Ngaihvung

Kum 2011 sungin GBC (Mission Field) heutu leh student ten Manipur field leh Nepal field vehna nei uhi. Manipur field ah mi 20 khawng pai-in Thoubal khunou, Thiyam Khunjao leh Thamnepki saptuamte toh hun vazang khawm uhi. Tualsung saptuam ki hongthak leh Bible student-te kigingkhoh tak kithuahkhawmte Pathian' ompihna toh nuamsa leh kipaktak-in hun deihkhoploutakin vazang uhi. Hiai program zatnate GBC sensak hilou in kum 2009 a kipan thumna toh panga sum athohkhawmte uh peipung a kisakholhna aneih uh ahi. Amaute panlakna banah Dr. David Jamzathang inle Peoples' Health Foundationte Motor toh in alak uah vatel a, huaiban ah PWS Executive Member-ten sum Rs. 2,500/- toh vakithuahpih uhi.

Field vehna in agam mite leh student-te thathousak-in kipaksak mahmah hi, a biik-in tuailaite leh naupange Testimony, lasak leh thugen-naten kuapeuh lungkhoih hi-a theihin om a, tuailaite bangin Pawl 12 ka zoh chiangan keile GBC ah kongkai di, na thumna uah honphawk un chi sosouh uhi. "Deihthusam deuh a hun zangkhawm dia giakdia na honghoh nawn ding uh ahi", chih hon geen tampen uh ahi chiat hi. Buhte min-in laak hunta hi - latu ding mite tawmlua... louneipa kiangah nget peetmanin ngeenle buhte kuaigawp lou ding hi.

Neithak: Heutupa Doulamthang in Bangalore a a Laisiangthou sinna a azat dingin Car ahoih mahmah khat lei thaka, Lamka a zi Mrs. Manniang zat dingin a thak liklek Activa khat Delhi ah lei khia uhi. Activa pen hongtung thei nai lou hi. Thamlouin, Janitor Mr. T. Ginzathang in leng Maruti Van second hand thak mahmahlai khat lei thak hi. Tuat banah, Heutu thak Rev. V. Khamvum in leng Dimapur a pan Car second hand thak mahmah lai toh hong tung chihthu kiza hi. Tuat banah Heutupa Pauthianmuang in leng Activa athak sitset leithak hi. Amaute i kipahpih petmah hi.

The Virgin Birth

Miracle (thillamding) tengteng laka thupipen tuh I Toupa Jesu nungak siangthou sung apan ahong pian ahi. Hiai Laisiangthou in agen thutak ahi. Tulaia pil kisa, thei kisa tamtakten gintak haksa sa mahle uh Laisiangthou in tua banga gen ahihmanin, eiten I pomkip tinten hi. A chetna tampite laka nihlel en ni. Matthai 1:1-17 sungah kisuan sawndan kigen suksuk hi. Himahleh, Jesu hun ahong tun takin, Josep in Jesu a suanga, Matthaiin chi utlou bikbek hi. Matthai 1:16 simni, "Jakob in Joseph, Mari pasal a suanga, huai Mari lakah Jesu, Kris kichi ahong piangta" Joseph in Jesu a suanga chi ut hetlou bilbel ahi. Huan, Matthai 1:21 ah Joseph kianga Angel thugen imu nawn hi. Hiaiah, Joseph kiangah Angel in, "Tapa nanei dia" chi ut hetlou taget hi. Angelin Joseph kiangah hichiin gen hi "Tapa anei dia, amin dingin Jesu nasa ding" achi hi. Hiai in agen bel, na zi Mari in tapa anei dia, nanga bel ahi kei dia, amin bel nang nasa dinga, amin dingin Jesu nasa ding ahi chi ahi. Joseph pen Mari pasal himahleh, Toupa Jesu pianna ding ah aman panna neilou, nungak siangthou (virgin) hikawma Mari in Jesu paai ahihdan achiang hi. Gintak louh vual hilou ahi.